



Broj: 15-03-16-5-59-43/21
Datum: 28.10.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/19 i 72/17), člana 69. stav 2. tačka d) i člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08) direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka nabavke**

Član 1.

Poništava se postupak javne nabavke **usluga hotelskog smještaja za službena putovanja u zemlji u Banjaluci, Rogatici, Trebinju i Zvorniku – LOT 4 – u Zvorniku**, koji je proveden postupkom dodjele ugovora o nabavci usluga iz Aneksa II Dio B Zakona o javnim nabavkama.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

U skladu sa potrebama za uslugama hotelskog smještaja radnika u Zvorniku, Agencija za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) objavila na svojoj web stranici Poziv za dostavljanje ponuda postupkom dodjele ugovora za usluge iz Aneksa II Dio B Zakona o javnim nabavkama za nabavku usluga hotelskog smještaja za službena putovanja u Banjaluci, Rogatici, Trebinju i Zvorniku, broj 15-03-16-5-59-4/21 od 22.9.2021. godine. Poziv je obuhvatio četiri LOT-a u skladu sa potrebama za hotelskim smještajem u navedenim lokacijama i to: LOT 1 - Banjaluka; LOT 2 – Rogatica; LOT 3 – Trebinje i LOT 4 – Zvornik.

Do krajnjeg roka za dostavljanje ponuda 14.10.2021.godine do 15:00h za LOT 4 – Zvornik na adresu Agencije su pristigle dvije (2) ponude i to ponuđača:

- „6. NOVEMBAR“ d.o.o. – PJ hotel „Vidikovac“, Zvornik i
- HOTEL „CENTRAL“ s.p. Zvornik.

Predmetne ponude su razmotrene, te je prilikom razmatranja utvrđeno kako slijedi: da ponuda ponuđača „6. NOVEMBAR“ d.o.o. – PJ hotel „Vidikovac“, Zvornik ne sadrži potpune dokaze na osnovu kojih je utvrđuje njegova kvalifikovanost za učešće u ovom postupku nabavke s obzirom da je isti dostavio neovjerenu kopiju potvrde sa iznosom minimalno 1.000,00 KM u kojoj je predmet nabavke hotelski smještaj a ne u originalu ili ovjerenju kopiju kako je Pozivom traženo za ovaj dokaz.



- Uzimajući u obzir navedeno ponuda ponuđača „6. NOVEMBAR“ d.o.o. – PJ hotel „Vidikovac“ se odbacuje zbog nekvalifikovanosti;
- da ponuda ponuđača HOTEL „CENTRAL“ s.p. Zvornik nije dostavljena na način kako je traženo Pozivom Agencije, odnosno ista nije uvezana jemstvenikom i stranice ponude nisu numerisane, te da ovaj ponuđač uz svoju ponudu nije dostavio sve dokaze, odnosno nije dostavio potpune dokaze na osnovu kojih se utvrđuje njegova kvalifikovanost za učešće u postupku nabavke. Naime, ovaj ponuđač nije dostavio:
 - dokaz o uredno izvršenim ugovorima u formi spiska izvršenih ugovora, s tim da je iznos izvršenog ugovora ili zbirni iznos svih izvršenih ugovora u kojem su predmet nabavke usluge hotelskog smještaja minimalno 1.000,00 KM u posljednje tri (3) godine;
 - u originalu ili ovjerenj kopiji potvrdu sa iznosom minimalno 1.000,00 KM u kojoj je predmet nabavke hotelski smještaj, odnosno više potvrda koje daje druga ugovorna strana o realizaciji ugovora, tako da njihov zbirni iznos je minimalno 1.000,00 KM – dostavljena neovjerenj kopija;
 - u originalu ili ovjerenj kopiji dokaz o kategorizaciji hotela za smještaj kojim se dokazuje da je ponuđeni hotel za smještaj u Trebinju kategorisan sa najmanje tri (3) zvjezdice – dostavljena neovjerenj kopija.

Uzimajući u obzir navedeno ponuda ponuđača HOTEL „CENTRAL“ s.p. Zvornik se odbacuje zbog nepotpunosti i što ne ispunjava zahtjeve iz tenderske dokumentacije.

Imajući u vidu da nijedna od dostavljenih ponuda nije kvalifikovana, odnosno prihvatljiva za ugovorni organ odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR
Dr. sc. Arif Nanić

Signed by ANANIC Digitalno potpisano / digitally signed